

**GARBITANIA ZERO ZABOR S.M.-ren
KONTRATAZIOKO BARNE
JARRAIBIDEAK**





Aurkibidea

A. APLIKAZIOKO KONTRATAZIO ESPARRUA	3
B. ERREGULAZIO HARMONIZATUAREN MENDE EZ DAUDEN KONTRATUAK.....	4
I. Oro har aplikatzekoak diren arauak.....	4
1. Kontratazio organoa	4
2. Kontratistek bete beharreko betekizunak	4
3. Kontratuaren elementuak	5
4. Kontratua prestatzea	6
5. Kontratua egitea.....	6
6. Kontratua gauzatzea.....	6
II. Plegua	7
III. Esleitzeko prozedurak	8
1. Obra kontratuak	8
2. Gainerako kontratuak (hornidura, zerbitzuak eta bestelakoak).....	11
IV. Errekurtsoak	14
C. ERREGULAZIO HARMONIZATUAREN MENDE DAUDEN KONTRATUAK.....	15
I. Oro har aplikatzekoak diren arauak.....	15
1. Kontratistek bete beharreko betekizunei dagozkien berezitasunak.....	15
2. Kontratua prestatzea	15
3. Kontratua burutu eta formalizatzea	16
II. Plegua	16
III. Esleitzeko prozedura	16
IV. Errekurtsoak	17
1. Prestaketa eta esleipena	17
2. Eraginak eta amaiera	18
D. KONTRATATZAILEAREN PROFILA	18
I. ERANSKINA.....	19
II. ERANSKINA.....	22
III. ERANSKINA.....	23



A. APLIKAZIOKO KONTRATAZIO ESPARRUA

GARBITANIA ZERO ZABOR S.M. merkataritza-sozietate bat da eta bere kapitala % 44,15ean Hernaniko Udalarena, %24,77an Oiartzungo Udalarena, %16,22an Usurbilgo Udalarena eta % 14,86an Astigarragako Udalarena da.

Bere jarduketaren funtsa, zuzunean nahiz zeharka, honako hauek izango dira baita xede bereko edo berdineko edozein motatako sozietateetan parte hartuz ere:

- a) Hiri hondakinak eta bateragarriak diren hondakinak gaika biltzea, kudeatzea, aprobetxatzea eta tratatzea hala badagokio, arlo horretan indarrean dauden xedapen legalak eta europarrak betez.
- b) Arlo horietan mota guztietako aholkulak ematea eta builketa, kudeaketa eta tratamendu sistema espezifikoak inplementatzeko bitartekoak eta moduak sustatzea, hondakin srkuntza ahalik eta gehien murriztekom, ahalik eta gehien birziklatzeko eta arlo horretan indarrean dauden xedapenetan zehaztutakoa honeto betetzeko.

Sektore Publikoko Kontratu Legearen testu bategina onartzen duen azaroaren 14ko 3/2011 Errege Dekretu Legegilearen ondorioetarako (aurrerantzean SPKLTB), EEP "sektore publikoaren" zati da (Lege horren 3.1.d artikuluan aurreikusitakoaren arabera) eta Administrazio publikoa ez den arren, "**botere esleitzaitzat**" hartzeko Lege horretan aurreikusitako ezaugarriak ditu (Lege horren 3.3 artikulua), eta, horren ondorioz, SPKLTBn horretarako ezarritako aginduak aplikatu behar zaizkio.

GARBITANIA ZERO ZABOR S.M.k egiten dituen kontratuak **kontratu pribatuak** dira.

GARBITANIA ZERO ZABOR S.M.k egiten dituen kontratuak honako kategorია hauetan sailkatzen dira:

1. **Legearen eraginpekoak ez diren kontratuak**, eta, beraz, ordenamendu juridiko pribatuaren, edo, hala badagokio, aplikatzekoak zaizkion arau berezien eraginpekoak direnak. SPKLTBren 4. artikuluan deskribatutako kontratuak dira (artikulu hori I. Eranskin gisa atxiki zaie jarraibide hauei). Jarraibide hauek ez zaizkio aplikatu behar.
2. Legearen eraginpeko kontratuak, erregulazio harmonizatukoak ez direnak. Kontratu guztiak dira, hurrengo kategoriakoak izan ezik. Jarraibide hauen B idatz-zatian aurreikusitakoa aplikatu behar zaie.
3. Legearen eraginpeko kontratuak, erregulazio harmonizatukoak direnak. Jarraibide hauen C idatz-zatian aurreikusitakoa aplikatu behar zaie. Honako kontratu hauek dira:
 - o 5.000.000 euro edo gehiagoko balio zenbatetsia duten obra-kontratuak.¹
 - o 200.000 euro edo gehiagoko balio zenbatetsia duten hornidura-kontratuak.¹
 - o SPKLTBren II. Eranskineko 1. kategoriatik 16. kategoriara bitartean bildutako eta 200.000 euro edo gehiagoko balio zenbatetsia duten zerbitzu-kontratuak.¹

¹ Edo SPKLTBren Hamaikagarren Xedapen Gehigarrian aurreikusitakoari jarraiki, Europako Batzordeak aurrerantzean finkatzen duen kopurua.



Zenbateko horiek guztiak BEZik gabeak dira.

SPKLTBren 13.2 artikuluan (jarraibide hauei II. Eranskin gisa atxiki zaie) deskribatutako kontratuak ez dira inoiz erregulazio harmonizatuaren mendekoak, edozein zenbatekoa dutela ere, ezta SPKLTBren II. Eranskineko 17. kategoriatik 27. kategoriara bitartean bildutakoak ere.

B. ERREGULAZIO HARMONIZATUAREN MENDE EZ DAUDEN KONTRATUAK

Honako kontratu hauek dira:

- 5.000.000 euro edo gutxiagoko balio zenbatetsia duten obra-kontratuak.
- 200.000 euro edo gutxiagoko balio zenbatetsia duten hornidura-kontratuak.
- SPKLTBren II. Eranskineko 1. kategoriatik 16.era bitartean bildutako eta 200.000 euro edo gutxiagoko balio zenbatetsia duten zerbitzu-kontratuak.
- SPKTBLren II. Eranskineko 17. kategoriatik 27.era bitartean bildutako zerbitzuketarako kontratuak eta 13.2 artikuluko kontratuak, edozein zenbatekoa dutela ere.

1. Oro har aplikatzekoak diren arauak

1. Kontratazio organoa

Kontratatzeko ahalmena Garbitania Zero Zabor SMren Estatutuetan xedatutakoaren baitan arautuko da, baita aplikatzekoak zaizkion zuzenbide pribatuko arauen baitan ere.

Kontratazio-organoa Administrazio Kontseilua da.

Aitzitik, urte beteko epealdia gainditzen ez duten eta sozietateko kudeaketa arruntari dagozkion berrogeita hamar mila euroz (50.000,00 euro) beherako obra, zerbitzu zein hornikuntza kontratuetarako sozietateko gerentzia gaitzen da, kontratu hauetarako erabilitako esleipen prozedura publizitate gabeko negoziatua edo zuzenekoa izan daitezkeelarik. Halere, kopuru hau, Garbitaniako estatutuek jaso bezala, moldagarria da Administrazio Kontseiluak horrela erabakiz gero.

2. Kontratistek bete beharreko betekizunak

Garbitania Zero Zabor SMrekin kontratatu ahal izango dute honako betekizun hauek betetzen eta hori egiaztatzen duten kontratistek:

2.1. Gaitasuna izateko baldintzak

Legearen 54. artikuluan aurreikusitakoak dira. Horri dagokionez, 55. eta 56. artikuluko aplikatu behar dira (Erkidegotik kanpoko enpresei eta bateragarritasun-baldintza berezietan dagokienez, hurrenez hurren).

2.2. Ahalmena

Honako artikuluko hauetan eskatzen dena da: 57. artikuluan (pertsoneko juridikoen ahalmena), 58. artikuluan (Erkidegotiko enpresen ahalmena) eta 59. artikuluan (enpresaburuen batasunen ahalmena).



Ahalmena 72. artikuluari jarraiki egiaztatzen da.

2.3. Kontratatzeko debekuaren eraginpean ez egotea

Honako artikulua hauek aplikatzen dira: 60. artikulua, kontratatzeko debekuein buruzkoa; eta 61. artikulua, kontratatzeko debeku horien eraginpean ez egotea frogatzeko moduei buruzkoa.

2.4. Gutxieneko kaudimeneko baldintzak

Kaudimen ekonomiko, finantzario eta tekniko edo profesionaleko gutxieneko baldintzak, Klausula Ekonomiko-Administratiboan Pleguan kasuan-kasuan ezarritakoak izango dira, eta bertan aurreikusitako moduan egiaztatuko dira.

Plegu horretan, kaudimena justifikatzeko aurkeztu beharreko dokumentuak ez ezik, kaudimen hori egiaztatzen duten gutxieneko atalaseak ere identifikatuko dira.

Honako artikulua hauek aplikatuko dira: 62. artikulua (kaudimen-eskakizuna), 63. artikulua (kaudimena kanpoko baliabideen bitartez integratzea) eta 64. artikulua (kaudimen-baldintzen zehaztapena).

2.5. Sailkapena

Klausula Ekonomiko-Administratiboan Pleguan aurreikusi bada besterik ez da eskatuko administrazio-sailkapena.

3. Kontratuaren elementuak

3.1. Kontratuaren xedea

Bere helburu instituzionalak bete eta gauzatzeko beharrezkoa denean baino ez ditu egingo kontratuak Garbitania Zero Zabor SMk. Proiektatutako kontratuaren bidez bete nahi diren premiak zer motatakoak diren eta haien hedapena, baita premia horiek betetzeko kontratuaren xedearen egokitasuna eta edukia ere, zehatz-mehatz azalduko dira eta kontratua prestatzeko dokumentazioan agerraraziko dira.

Kontratuaren xedea 86. artikuluan xedatutakoa aplikatuz ezarriko da.

3.2. Kontratuaren iraupena

Kontratuaren iraupena ezartzeko, prestazioak zer motatakoak diren izango du kontuan Garbitaniak, baita finantziario-ezaugarriak eta prestazio horiek egiteko prozesua aldi-aldi konkurrentziaren eraginpean jarri behar direla ere. Horri dagokionez, 23. artikuluan xedatutakoa aplikatuko da.

Egin litezkeen luzapenak, hala badagokio, Klausula Ekonomiko- Administratiboan Pleguan aurreikusiko dira, esanbidez aurreikusi ere.

50.000 euro baino gutxiagoko zenbatekoa duten obra-kontratuak eta zuzenean esleitzen den 18.000 euro baino gutxiagoko zenbatekoa duen beste edozein kontratuk (betiere BEZik gabe), ez dute inoiz urtebetetik gorako iraupena izango, eta ez dira luzatuko.

3.3. Prezioa

75. eta 76. artikuluetan kontratuaren prezioari, zenbatetsitako balioa kalkulatzeari eta lizitazio-aurrekontua zehazteari buruzko arauak aplikatuko dira, eta arau horiei Administrazio Publikoa ez izateagatik egin beharreko egokitzapenak egin beharko zaizkie.



Prezioak berrikusiko dira baldin eta dagokion Klausula Ekonomiko-Administratiboan Pleguan aurreikusita badago.

4. Kontratua prestatzea

4.1. Eskaera

Zuzeneko esleipena egin behar denean izan ezik, kontratazioa hasteko, Garbitaniako barne-langileek jarraibide hauei III. Eranskin gisa atxikitako formularioa bete beharko dute. Formulario horretan, nolana ere, proiektatutako kontratuaren bidez bete nahi diren premiak zer motatakoak diren eta haien hedapena agerraraziko dira, baita premia horiek betetzeko kontratuaren xedea eta edukia egokiak direla ere.

4.2. Pleguak

Plegua egin beharko da, nahitaez, 50.000 euro baino gehiagoko zenbatekoa duten obra, zerbitzu eta hornikuntza -kontratuetan (BEZik gabe).

Zenbateko hori gainditzen duten kontratuetan, Klausula Ekonomiko-Administratiboan Pleguarekin batera, Baldintza Teknikoen Plegua aurkeztuko da.

200.000 euro baino gehiagoko zenbatekoa duten obra-kontratuen lizitazioetan eta obrakoak ez diren 60.000 euroko zenbatekoa gainditzen duten kontratuen lizitazioetan, Pleguak berrikusi egingo dira eta horiei buruzko txosten juridikoa egingo da.

Obra-kontratuetan, halaber, dagokion Obra Proiektua egingo da. Proiektu horrek, hala badagokio, Baldintza Teknikoen Plegua ordeztuko du.

SPKTBLren II. Eranskinen 17.kategoriatik 27.era bitartean bildutako zerbitzuketarako, betiere 200.000 euro edo gehiagoko zenbatekoa badute, SPKLTBren 137.1 artikuluan aurreikusitakoaren eraginpean ere egingo dira.

5. Kontratua egitea

Kontratua formalizatzean burutuko da.

Kontratua idatziz formalizatuko da.

Bidezkoa dela-eta, kontratua zuzenean esleitzen bada, kontratua formalizatzeko nahikoa izan daiteke dagokion aurrekontua egitea eta aurrekontua onartzen dela idatziz jakinaraztea.

Kontratuan ez da inola ere barne hartuko Pleguetan aurreikusi ez den eta alderdiei eskubideak eta betebeharrak ezartzen dizkion estipulaziorik, aurkeztutako eskaintzaren eta esleipen-egintzaren zehaztapenak bilduta.

6. Kontratua gauzatzea

Kontratuaren ondorioei eta iraungipenari dagokienez, Pleguetan (hala erabakitzen bada, Herri Administrazioak kontratatze duen araudira erreferentzia eginez) eta modu osagarrian zuzenbide zibilean jasotako moduan aplikatuko dira.



II. Plegua

Klausula Ekonomiko-Administratiboen Pleguak, prozedura negoziatuak berezkoak dituen berezitasunak barnean hartuta, honako alderdi hauek zehaztuko ditu:

- Kontratazio Organoa.
- Publizitatea, kontratatzailearen profila lortzeko modua eta publizitate gastuak.
- Kontratuaren xedea eta, hala badagokio, loteak daudela.
- Kontratuaren bitartez bete beharreko premiak eta kontuan hartu beharreko era guztietako faktoreak.
- Oinarrizko lizitazio-aurrekontua edo kontratuaren balio zenbatetsia, eta, hala badagokio, aurrekontuaren urtekoen araberrako banaketa.
- Kontratu-dokumentazioa.
- Kontratuaren iraupena, luzapenak zehaztuta, halakorik badago.
- Kontratua esleitzeko prozedura: Prozedura irekia, murriztua edo negoziatua.
- Proposamenen aurkezpena:
 - Aurkezteko modua.
 - Forma eta edukia (aurkeztu beharreko dokumentazioa).
 - Aurkezteko epea eta tokia.
- Kontratista:
 - Ahalmena.
 - Gaitasuna izateko baldintzak.
 - Kontratatzeko debekuak.
 - Kaudimen ekonomiko eta finantzarioa (dokumentuak eta gutxieneko atalaseak).
 - Kaudimen tekniko eta profesionala (dokumentuak eta gutxieneko atalaseak).
- Ebaluazioa eta esleipena:
 - Esleipen-irizpideak eta irizpide horien haztapena. Prozedura negoziatua bada, negoziatutako alderdiak eta, hala badagokio, esleipen-irizpideak eta horien haztapena.
 - Onartutako proposamenak irekitzea.
 - Kontratuaren esleipena eta horren jakinarazpena.
- Esleipendunak, hala badagokio, aurkeztu beharreko gainerako dokumentazioa eta horretarako epea.
- Kontratua formalizatzea eta horretarako epea.
- Alderdien eskubideak eta betebeharrak.
- Kontratua hartzea eta kontratatutako prestazioaren bermealdia.
- Prezioa ordaintzeko erregimena.
- Kontratua suntsiarazteko arazoak.
- Erregimen juridikoa eta jurisdikzioa.

Halaber, Klausula Ekonomiko-Administratiboen Pleguak honako alderdi hauek zehaztu ahal izango ditu:

- Finantziazioa.
- Alderak edo hobekuntzak: Halakorik baimentzen ote den adieraztea, horien betekizunak, mugak, modalitateak eta kontratuaren zer alderditan onartzen diren bilduta.
- Prezioen berrikuspena (aplikatu beharreko formula edo indize ofiziala adierazita).
- Behin-behineko edo behin betiko bermeak.
- Saillapena.



- Ahalmenari eta kaudimenari buruzko betekizunak egiaztatzeko dokumentazioa aztertzeko eguna.
- Kontratua aldatzeko aukera, modu argian, zehatzean eta zalantzarik gabekoan adostutako aldatetako erabiltzeko baldintzak, horien ahalmena eta mugak adieraziz, bai eta gehienez kontratuaren zein portzentajeri eragin diezaioketen eta, hori lortzeko, burutu beharreko prozedura ere.
- Kontratistari ezarritako konfidentzialtasun-betebeharraren hedapen objektiboa eta denbora-arlokoa.
- Lagapena eta azpikontratazioa: Kontratua lagatzeko betekizunak adieraztea eta kontratistak kontrata ditzakeen prestazioak edo prestazioen ehunekoak zehaztea (SPKLTBren 226.2.c) eta 227.5 artikuluei dagokienez).
- Berandutzagatiko eta gauzatze akastunagatiko penalizazioak.
- Beste edozein itun, klausula eta baldintza, betiere ordenamendu juridikoa urratzen ez badute.

III. Esleitzeko prozedurak

SPKLTBren 191. artikuluan aurreikusitakoa betez, esleitzeko prozedurak adieraziko ditugu segidan, kontratu motak eta kontratuen zenbatekoak kontuan izanik.

Segidan xedatuko den guztia bazter utzi gabe, Kontratazio Organoak lehiaelkarrizketari baliatu ahal izango du, 179. artikulutik 183.era bitartean aurreikusitako kasuetan eta bertako eraginak izanik.

Halaber, kontratazioa arrazionalizatzeko sistemak baliatu ahal izango ditu (esparruakordioak, kontratazio-sistema dinamikoak eta kontratazio zentralak). Kasu horretan, erregulazio harmonizatuaren mende dauden kontratuak esleitzeko 194. artikulutik 205.era bitartean aurreikusitakoaren arabera jardun beharko du.

1. Obra kontratuak

1.1. Zenbatekoen arabeko bereizketa

Obra-kontratuari dagokionez, hiru prozedura erabiliko dira, obraren zenbatekoaren arabera. Hona hemen prozedura horiek:

- a) Gehienez 49.999,99 euroko zenbatekoa duten obra-kontratuak.
- b) 50.000 eurotik 999.999,99 eurora bitarteko zenbatekoa duten obrakontratuak.
- c) 1.000.000 eurotik 4.999.999,99 eurora bitarteko zenbatekoa duten obrakontratuak.²

Zenbateko horiek guztiak BEZik gabeak dira.

1.2. Gehienez 49.999,99 euroko zenbatekoa duten obra-kontratuak.

Era horretako kontratuetan, oro har, zuzeneko esleipena baliatuko da. Dagokion aurrekontua jaso eta Garbitaniak onartuko du. Ondoren, dagokion kontratua izenpetuko da edo bestela aurrekontu hori esanbidez eta idatziz onartu, eta onartu izana jakinaraziko da.

² Edo SPKLTBren Hamaikagarren Xedapen Gehigarrian aurreikusitakoari jarraiki, Europako Batzordeak aurrerantzean finkatzen duen kopurua.



Kontratua bete dela egiaztatutakoan, prezioa ordainduko da, kontratistak dagokion faktura aurkeztu eta hura onartu ondoren.

Dena den, prozedura negoziatua —irekia edo murriztua— baliatu ahal izango da. Kasu horretan, hurrengo idatz-zatian xedatutakoa aplikatuko da.

1.3. 50.000 eurotik 999.999,99 eurora bitarteko zenbatekoa duten obrakontratuak.

Era horretako kontratuak, berriz, prozedura negoziatu ireki edo murriztua izapidetuz esleituko dira, eta Klausula Ekonomiko-Administratiboen Pleguan zer prozedura aukeratu den bilduko da.

1.3.1. Prozedura negoziatua

Prozedura negoziatua aukeratuz gero, honako izapide hauek egin beharko dira:

a) **Eskaera:** Kontratazio-eskaera egiteko, III. Eranskin gisa atxikitako formularioa bete beharko dute Garbitaniako barnelangileek.

b) **Pleguak:** Klausula Ekonomiko-Administratiboen Plegu bat egingo da (jarraibide hauen B idatz-zatiko II. epigrafean aurreikusitako edukia bilduta), baita Baldintza Teknikoen Plegu bat edo dagokion Obra Proiektua ere.

Dokumentu horiek berrikusi egingo dira eta haiei buruzko txosten juridikoa egingo da.

Kontratazio mahaiak kontratazio organoari kontratazio espedientearen, plegu eta gastoaren onespenerako proposamena egingo dio.

b) **Eskaintzen eskabidea:** Kontratuaren xedea gauzatzeko ahalmena duten hiru enpresari gutxienez eskatuko zaizkie eskaintzak.

d) **Publizitatea:** Kontratuaren lizitazioa eta esleipena argitaratuko dira kontratatzailearen profilean.

Hori guztia atal honetako f) idatz-zatian aurreikusitakoa bazter utzi gabe.

e) **Ebaluazioa:** Klausula Ekonomiko-administratiboen Pleguan enpresekin negoziatu beharreko alderdi ekonomiko eta teknikoak zehaztuko dira.

Era berean Klausula Ekonomiko-administratiboen Pleguan hala badagokio, esleipen-irizpideak eta horien haztapena zehaztuko ahalko dira. (1.4.f sailaren arabera jasotakoa jarraiki bai prozedura iriki zein murriztuan).

Garbitaniako langile teknikoek Kontratazio Organoari bidaliko diote esleipen proposamena, beti ere egindako gonbidapenak, jasotako eskaintzak, eskaintza horiek onartzeko edo atzera botatzeko arrazoiak eta egindako negoziazioak bilduko dituzte eta jakinaraziko diete.

f) **Aplika daitezkeen beste kasu batzuk:** 170. artikuluan eta 171. artikuluko a), b) eta c) idatz-zatietan aurreikusitako kontratuetan ere prozedura negoziatua aukeratu ahal izango da, kontratu horien zenbatekoa edozein izanik ere.

Orduan, lizitazio-iragarkia 170. artikuluko a) eta b) idatz-zatietan eta 171. artikuluko a) idatz-zatian bildutako kasuetan soilik argitaratuko da kontratatzailearen profilean.



Klausula Ekonomiko-Administratiboen Pleguan edo jarraibide hauetan esanbidez aurreikusi ez denari dagokionez, 169., 176., 177., 178. artikuluetan eta artikuluko horiekin lotura duten gainerako artikuluetan aurreikusitakoa aplikatuko da, betiere Administrazio Publikoa ez izateagatik egin beharreko aldaketak kontuan hartuta.

1.3.2. Prozedura irekia edo murriztua

50.000 eta 999.999,99 euro arteko zenbatekoak dituzten obrakontratuetan, prozedura irekia edo itxia aukeratzen bada, hurrengo atalean adierazitako ezarriko da.

1.4. 1.000.000 eurotik 4.999.999,99 eurora bitarteko zenbatekoa duten obra-kontratuak

Era horretako kontratuak, berriz, prozedura negoziatu ireki edo murriztua izapidetuz esleituko dira, eta Klausula Ekonomiko-Administratiboen Pleguan zer prozedura aukeratu den bilduko da.

Bai prozedura irekia, bai murriztua, aukeratuz gero, honako arau hauek aplikatuko dira:

a) **Eskaera:** Eskara egiteko, III. Eranskin gisa atxikitako formularioa bete beharko dute Garbitaniako barne-langileek.

b) **Pleguak:** Klausula Ekonomiko-Administratiboen Plegu bat egingo da (jarraibide hauen B idatz-zatiko II. epigrafean aurreikusitako edukia bilduta), baita Baldintza Teknikoen Plegu bat edo dagokion Obra Proiektua ere.

Dokumentu horiek berrikusi egingo dira eta haiei buruzko txosten juridikoa egingo da.

Kontratazio mahaiak kontratazio organoari kontratazio espedientearen, plegu eta gastoaren onespenerako proposamena egingo dio.

c) **Publizitatea:** Lizitazioa kontratatzailearen profilean eta Gipuzkoako Aldizkari Ofizialean argitaratuko da gutxienez, edo kontratatzailearen profilean eta probintziako egunkari batean, eta egindako aukera Klausula Ekonomiko-Administratiboen Pleguan adieraziko da.

d) **Proposamenak aurkezteko epea:** Proposamenak aurkezteko epea Klausula Ekonomiko-Administratiboen Pleguan zehaztuko da, baina ez da inola ere hogeita sei (26) egunetik beherakoa izango, betiere Kontratazio Organoaren iritziz epea murriztea justifikatzen duen salbuespeneko inguruabarrik ez badago.

e) **Proposamenak aurkezteko modua:** Proposamenak sekretupekoak izango dira eta gutun-azal itxietan aurkeztuko dira, Klausula Ekonomiko-Administratiboen Pleguan zehazten den moduan.

f) **Ebaluazioa:** Kontratazio esleitzeko oinarritzat hartuko diren irizpideak eta irizpide horien haztapena Kontratazio Organoak zehaztuko ditu, eta iragarkian nahiz Klausula Ekonomiko-Administratiboen Pleguan adieraziko dira.

Kontratuaren xedeari zuzenean lotutako irizpideak hartu ahal izango dira kontuan, hala nola kalitatea, prezioa, obraren erabilerari lotutako ordainsariak berrikusteko erabiliko den formula, prestazioa gauzatzeko edo entregatzeko epea, erabilera-kostua, ingurumen-ezaugarriak edo gizarte-eskakizunak betetzeari lotutako ezaugarriak,



errentagarritasuna, balio teknikoa, ezaugarri estetiko edo funtzionalak, ordeko piezen aukera eta kostua, mantentzea, laguntza teknikoa, saldu osteko zerbitzua, eta antzeko beste alderdi batzuk.

Eskaintzak jasota, Kontratazio Mahaia dokumentazio administratiboa aztertuko du. Ondoren, kontratazio mahaiak akto publikoan jasotako eskaintzen irikiera burutuko du. Behin eskaintzak irikita, Mahaiak beharrezko informea eskatuko ditu eta kasu guztietan pleguetan jasotakoa beteareaztea eta hauetan jasotako irizpideak aplikatzea drela ziurtatu behar du. Informea jaso edo eta beharrezko ikusten duen beste elementurik jaso ostean eta hauek aztertu ondoren Kontratazio Mahaiak esleipenerako proposamen bat egingo du.

Kontratazio Organoak eskaintza ekonomikoki abantailatsuenaren alde esleituko du kontratua, betiere kontuan hartuta Klausula Ekonomiko-Administratiboen Pleguan proposamenak balioesteko aurreikusitako irizpide objektiboak jarraiki eta Ebaluazio Batzordeak egiten duen proposamena kontuan hartuta.

Kontratazio Organoak kontratua esleitzeko orduan ez badu kontuan hartzen langile teknikoek egindako proposamena, horretarako arrazoiak adierazi beharko ditu.

Esleipena lizitatuzaileei kontratatzailearen profilean argitaratuko da.

Pleguan edo jarraibide hauetan esanbidez aurreikusi ez den kasuetan, honako artikulua hauetan aurreikusitakoa aplikatuko da:

- prozedura irekirako, 157., 158. eta 160. artikuluetan (ezin izango da inola aplikatu adituen batzordearen edo erakunde tekniko espezializatuaren eskuhartzeari buruz aurreikusitakoa) eta 161. artikuluan aurreikusitakoa;

- prozedura murrizturako, 162., 163., 164., 165., 166., 167. eta 168. artikuluetan aurreikusitakoa.

- bi kasuetan, legeak jasotako eta horiekin lotura duten gainerako artikuluetan aurreikusitakoa aplikatuko da.

Era beran kasu guztietan Administrazio Publikoa ez izateagatik dagozkion moldaketak egin beharko dira.

2. Gainerako kontratuak (hornidura, zerbitzuak eta bestelakoak)

2.1. Zenbatekoen arabera bereizketa

Kontratu horiei dagokienez (hornidura, zerbitzuak eta bestelakoak), honako prozedurak erabiliko dira, kontratuen zenbatekoaren arabera. Hona hemen prozedura horiek:

- a) 49.999,99 eurora bitarteko zenbatekoa duten kontratuak.
- b) 50.000 eurotik 199.999,99 eurora bitartekoak.

Zenbateko horiek guztiak BEZik gabeak dira.

2.2. 49.999,99 eurora bitarteko zenbatekoa duten kontratuak.

Era horretako kontratuetan, oro har, zuzeneko esleipena baliatuko da (kontrato txikia). Dagokion aurrekontua jaso eta Garbitaniak onartuko du. Ondoren, dagokion kontratua



izenpetuko da edo bestela aurrekontu hori esanbidez etan idatziz onartu, eta onartu izana jakinaraziko da.

Kontratua bete dela egiaztatutakoan, prezioa ordainduko da, kontratistak dagokion faktura aurkeztu eta hura onartu ondoren.

Dena den, prozedura negoziatua —irekia edo murriztua— baliatu ahal izango da. Kasu horretan, hurrengo idatz-zatian xedatutakoa aplikatuko da.

2.3. 50.000 eurotik 199.999,99 eurora bitartekoak.

Era horretako kontratuak, berriz, publizitate dun prozedura negoziatu ireki edo murriztua izapidetuz esleituko dira, eta Klausula Ekonomiko-Administratiboen Pleguan zer prozedura aukeratu den bilduko da.

2.3.1. Prozedura negoziatua

Prozedura negoziatua aukeratuz gero, honako izapide hauek egin beharko dira:

a) **Eskaera:** Kontratazio-eskaera egiteko, III. Eranskin gisa atxikitako formularioa bete beharko dute Garbitaniakoko barnelangileek.

b) **Pleguak:** Klausula Ekonomiko-Administratiboen Plegu bat egingo da (jarraibide hauen B idatz-zatiko II. epigrafean aurreikusitako edukia bilduta), baita Baldintza Teknikoen Plegu bat ere.

Dokumentu horiek berrikusi egingo dira eta haiei buruzko txosten juridikoa egingo da.

Kontratazio mahaiak kontratazio organoari kontratazio espedientearen, plegu eta gastoaren onespenerako proposamena egingo dio.

c) **Eskaintzen eskabidea:** Kontratuaren xedea gauzatzeko ahalmenan duten hiru enpresari gutxienez eskatuko zaizkie eskaintzak.

d) **Publizitatea:** Kontratuaren lizitazioa eta esleipena argitaratuko dira kontratatzailearen profilean.

Hori guztia atal honetako f) idatz-zatian aurreikusitakoa bazter utzi gabe.

e) **Ebaluazioa:** Klausula Ekonomiko-administratiboen Pleguan enpresekin negoziatu beharreko alderdi ekonomiko eta teknikoak zehaztuko dira.

Era berean Klausula Ekonomiko-administratiboen Pleguetan, esleipen-irizpideak eta horien haztapena zehaztuko dira, halaber. Kasu honetan 2.4.f atalean jasotzen dena jarraituko delarik (bai prozedura ireki zein murriztuan).

Sozietateko personal teknikoaren aldetik proposamenak informatuko dira, egin diren gonbidapenak, jasotako eskaintzak eta bearuek onartu edo baztertzeko arrazoiak eta burutu negoziazioen berri emanez.

Informeak jaso edo eta beharrezko ikusten duen beste elementurik jaso ostean eta hauek aztertu ondoren Kontratazio Mahaiak esleipenerako proposamen bat egingo du.



Kontratazio Organoak eskaintza ekonomikoki abantailatsuenaren alde esleituko du kontratua, langile teknikoek egindako proposamena kontuan hartuta.

Kontratazio Organoak kontratua esleitzeko orduan ez badu kontuan hartzen langile teknikoek egindako proposamena, horretarako arrazoiak adierazi beharko ditu.

f) **Aplika daitezkeen beste kasu batzuk:** 170. artikuluan, 157. artikuluko a), b), c), d) eta e) idatz-zatietan, 173. artikuluko a), b), c), eta d) idatz-zatietan, eta 175. artikuluan aurreikusitako kontratuetan ere prozedura negoziatua aukeratu ahal izango da, kontratu horien zenbatekoa edozein izanik ere.

Orduan, lizitazio-iragarkia 170. artikuluko a) eta b) idatz-zatietan, 173. artikuluko a) idatz-zatian eta 175. artikuluan, bildutako kasuetan soilik argitaratuko da kontratatzailearen profilean (zenbatekoa dela-eta prozedura negoziatua baliatzen bada, betiere zenbatekoa 50.000 eurotik gorakoa bada).

Klausula Ekonomiko-Administratiboen Pleguan edo jarraibide hauetan esanbidez aurreikusi ez denari dagokionez, 169, 176., 177., 178. artikuluetan eta artikuluko horiek lotura duten gainerako artikuluetan aurreikusitakoa aplikatuko da, betiere Administrazio Publikoa ez izateagatik egin beharreko aldaketak kontuan hartuta.

2.3.2. Prozedura irekia edo murriztua

Bai prozedura irekia, bai murriztua, aukeratuz gero, honako arau hauek aplikatuko dira:

a) **Eskaera:** Eskaera egiteko, jarraibide hauei III. Eranskin gisa atxikitako formularioa bete beharko dute Garbitaniako barnelangileek.

b) **Pleguak:** Klausula Ekonomiko-Administratiboen Plegu bat egingo da (jarraibide hauen B idatz-zatiko II. epigrafean aurreikusitako edukia bilduta), baita Baldintza Teknikoen Plegu bat ere.

Dokumentu horiek berrikusi egingo dira eta haiei buruzko txosten juridikoa egingo da.

Kontratazio mahaiak kontratazio organoari kontratazio espedientearen, plegu eta gastoaren onespenerako proposamena egingo dio.

c) **Publizitatea:** Lizitazioa kontratatzailearen profilean eta Gipuzkoako Aldizkari Ofizialean argitaratuko da gutxienez, edo kontratatzailearen profilean eta probintziako egunkari batean, eta egindako aukera Klausula Ekonomiko-Administratiboen Pleguan adieraziko da.

d) **Proposamenak aurkezteko epea:** Proposamenak aurkezteko epea Klausula Ekonomiko-Administratiboen Pleguan zehaztuko da, baina ez da inola ere hamabost (15) egunetik beherakoa izango, betiere Kontratazio Organoaren iritziz epea murriztea justifikatzen duen salbuespeneko inguruabarrak ez badago.

e) **Proposamenak aurkezteko modua:** Proposamenak sekretupekoak izango dira eta gutun-azal itxietan aurkeztuko dira, Klausula Ekonomiko-Administratiboen Pleguan zehazten den moduan.

f) **Ebaluazioa:** Kontratua esleitzeko oinarritzat hartuko diren irizpideak eta irizpide horien haztapena Kontratazio Organoak zehaztuko ditu, eta iragarkian nahiz Klausula Ekonomiko-Administratiboen Pleguan adieraziko dira.



Kontratuaren xedeari zuzenean lotutako irizpideak hartu ahal izango dira kontuan, hala nola kalitatea, prezioa, obraren erabilerari lotutako ordainsariak berrikusteko erabiliko den formula, prestazioa gauzatzeko edo entregatzeko epea, erabilera-kostua, ingurumen-ezaugarriak edo gizarte-eskakizunak betetzeari lotutako ezaugarriak, errentagarritasuna, balio teknikoa, ezaugarri estetiko edo funtzionalak, ordezkoko piezen aukera eta kostua, mantentzea, laguntza teknikoa, saldu osteko zerbitzua, eta antzeko beste alderdi batzuk.

Eskaintzak jasota, Kontratazio Mahaia dokumentazio administratiboa aztertuko du. Ondoren, kontratazio mahaiak akto publikoan jasotako eskaintzen irikiera burutuko du. Behin eskaintzak irikita, Mahaiak beharrezko informea eskatuko ditu eta kasu guztietan pleguetan jasotakoa beteareaztea eta hauetan jasotako irizpideak aplikatze drela ziurtatu behar du. Informea jaso edo eta beharrezko ikusten duen beste elementurik jaso ostean eta hauek aztertu ondoren Kontratazio Mahaiak esleipenerako proposamen bat egingo du.

Kontratazio Organoak eskaintza ekonomikoki abantailatsuenaren alde esleituko du kontratua, betiere kontuan hartuta Klausula Ekonomiko-Administratiboen Pleguan proposamenak balioesteko aurreikusitako irizpide objektiboei jarraiki eta Ebaluazio Batzordeak egiten duen proposamena kontuan hartuta.

Kontratazio Organoak kontratua esleitzeko orduan ez badu kontuan hartzen langile teknikoek egindako proposamena, horretarako arrazoiak adierazi beharko ditu.

Esleipena lizitatzailerik kontratatzailearen profilean argitaratuko da.

Pleguan edo jarraibide hauetan esanbidez aurreikusi ez den kasuetan, honako artikulua hauetan aurreikusitakoa aplikatuko da:

- prozedura irekirako, 157., 158. eta 160. artikuluetan (ezin izango da inola aplikatu adituen batzordearen edo erakunde tekniko espezializatuaren eskuhartzeari buruz aurreikusitakoa) eta 161. artikuluan aurreikusitakoa;
- prozedura murrizturako, 162., 163., 164., 165., 166., 167. eta 168. artikuluetan aurreikusitakoa.

Era beran kasu guztietan Administrazio Publikoa ez izateagatik dagozkion moldaketak egin beharko dira.

IV. Errekurtsoak

Kontratu horiek prestatu, esleitu, bete eta amaitzeari, baita kontratuen eraginei dagokienez ere, jurisdikzio-ordena zibilean besterik ezin izango da errekurtsoa aurkeztu.

Halaber, egindako kontratuen eraginei nahiz kontratuak betetzeari eta amaitzeari dagokienez sortzen diren desadostasunetarako irtenbidea arbitrajearen eraginpean jarri ahal izango da, abenduaren 23ko 60/2003 Legean xedatutakoari jarraiki. Orduan, Klausula Ekonomiko-Administratiboen Pleguan agerrarazi beharko da, eta, halakorik ezean, beste edozein kontratu-dokumentutan.



C. ERREGULAZIO HARMONIZATUAREN MENDE DAUDEN KONTRATUAK

Honako kontratu hauek dira:

- 5.000.000 euro edo gehiagoko balio zenbatetsia duten obra-kontratuak.³
- 200.000 euro edo gehiagoko balio zenbatetsia duten hornidura-kontratuak.³
- SPKLTBren II. Eranskineko 1. kategoriatik 16.era bitartean bildutako eta 200.000 euro edo gehiagoko balio zenbatetsia duten zerbitzu-kontratuak.³

Zenbateko horiek guztiak BEZik gabeak dira.

Hori guztia 13.2 artikuluan bildutako kontratuak izan ezik. Kontratu horiek, edozein balio zenbatetsi dutela ere, ez dira erregulazio harmonizatuaren mendekotzat hartuko.

1. Oro har aplikatzekoak diren arauak

Erregulazio harmonizatuaren mende dauden kontratuei, erregulazio harmonizatuaren mende ez dauden kontratuentzat jarraibide hauen B idatz-zatiko I. epigrafean aurreikusitakoa aplikatu behar zaie, jarraian adierazitako berezitasunak kontuan hartuta:

1. Kontratistek bete beharreko betekizunei dagozkien berezitasunak

1.1. Gaitasuna izateko baldintzei dagozkien berezitasunak

54. artikuluan xedatutakoaz gain, 55. artikulua aplikatu behar da (ez da eskatuko Munduko Merkataritza Antolakundearen Kontratazio Publikoari buruzko Akordioa sinatu duten Estatuetakoen enpresei dagokien elkarrekikotasun txostenik).

1.2. Kaudimena izateko gutxieneko baldintzei dagozkien berezitasunak

Jarraibide hauen B.I epigrafeko 2.4 idatz-zatian xedatutakoaz gain, kaudimena egiaztatzeko baliabideei dagokienez, 74. artikulutik 79.era bitarteko artikulua aplikatuko dira nolnahi ere.

1.3. Kalitate-bermeari buruzko arauak eta ingurumen-kudeaketari buruzko arauak betetzea

80. eta 81. artikulua aplikatuko dira kalitate-bermeari buruzko arauak eta ingurumen kudeaketari buruzko arauak betetzea egiaztatzeari dagokionez.

Horretarako aurreikuspenak Klausula Ekonomiko-Administratiboen Pleguan ezarriko dira.

2. Kontratua prestatzea

Preskripzio teknikoak ezartzeari buruz 117. artikuluan ezarritako arauak aplikatuko dira.

Halaber, honako artikulua hauetan xedatutakoa aplikatuko da: 118. artikuluan (kontratua gauzatzeko baldintza bereziak), 119. artikuluan (zerga-arloari, ingurumen babesari, eta enplegu eta lan-baldintzei buruzko betebeharren gaineko informazioa),

³ Edo SPKLTBren Hamaikagarren Xedapen Gehigarrian aurreikusitakoari jarraiki, Europako Batzordeak aurrerantzean finkatzen duen kopurua.

eta 120. artikuluan (lan-kontratuei dagokienez, subrogazio-baldintzei buruzko informazioa).

Kontratua egitea premia geroraezinen bati erantzuteko beharrezkoa bada edo interés publikoko arrazoiak tarteko esleipena azkartu egin behar bada, Kontratazio Organoak kontratua izapidetzea premiazkoztat eman ahal izango du, betiere kontratua prestatzeko dokumentazioan behar bezala arrazoituta. Kasu horretan, epeak murrizteari buruz 112.2.b) artikuluan aurreikusitakoa aplikatuko da.

Klausula Ekonomiko-Administratiboen Plegua eta Baldintza Teknikoen Plegua berrikusi egingo dira eta haiei buruzko txosten juridikoa egingo da, kasu guztietan.

3. Kontratua burutu eta formalizatzea

Kontratua formalizatzean burutuko da eta idatziz formalizatuko da.

II. Plegua

Klausula Ekonomiko-Administratiboen Pleguak, jarraibide hauen B idatz-zatiko II. epigrafean erregulazio harmonizatuaren mende ez dauden kontratuetarako adierazitako alderdiak ez ezik, honako alderdi hauek ere zehatz ditzake:

- Kalitate-bermeari buruzko arauak eta ingurumen-kudeaketari buruzko arauak betetzeari buruzko egiaztapena (SPKLTBren 80. eta 81. Artikuluetan ezarritakoaren arabera).
- Kontratua gauzatzeko baldintza bereziak eta baldintza horiek ez betetzearen ondorioak (SPKTBLren 118. artikuluan aurreikusitako moduan).
- Zerga-arloari, ingurumena babesteari, eta enplegu eta lan-baldintzei dagozkien betebeharreri buruzko informazioa (SPKLTBren 119. Artikuluan ezarritakoaren arabera).

Kontratazio mahaiak kontratazio organoari kontratazio espedientearen, plegu eta gastoaren onespenerako proposamena egingo dio.

III. Esleitzeko prozedura

Erregulazio harmonizatuaren mende dauden kontratuek SPKLTBren 190. Artikuluan ezarritakoari jarraiki esleitzeko dira, hau da, Administrazio Publikoen kontratuentzat aurreikusitako moduan, betiere honako moldaketa hauek eginez:

- a) Ez da aplikatuko irizpide subjektiboen balioespenerako adituen batzordearen esku-hartzeari buruz 150. artikuluan 2. idatz-zatiko bigarren paragrafoan ezarritakoa.
 - b) Ez da aplikatuko eskaintzak anormalak edo neurri kanpokoak ote diren antzemateko irizpideei buruz 152. artikuluko 1. eta 2. idatz-zatietan ezarritakoa.
 - c) Ez da aplikatuko 156. artikuluan kontratuak formalizatzeari buruz ezarritakoa.
 - d) Ez da aplikatuko 160. artikuluan proposamenen azterketari eta esleipen proposamenari buruz ezarritakoa.
 - e) Ez da aplikatuko 172. artikuluan zerbitzu publikoen kudeaketa-kontratuak esleitzeko prozedura negoziatua balia daitekeen kasuei buruz ezarritakoa.
- Premiazko arrazoiak tarteko Legean ezarritako gutxieneko epeak bete ezin direnean, 112.2.b) artikuluan epeak murrizteari buruz aurreikusitakoa aplikatuko da.

Eskaintzak jasota, Kontratazio Mahaia dokumentazio administratiboa aztertuko du. Ondoren, kontratazio mahaiak akto publikoan jositako eskaintzen irikiera burutuko du.



Behin eskaintzak irikita, Mahaiak beharrezko inofirmeak eskatuko ditu eta kasu guztietan pleguetan jasotakoa beteareaztea eta hauetan jasotako irizpideak aplikatze drela ziurtatu beahr du. Informeak jaso edo eta beharrezko ikusten duen beste elementurik jaso ostean eta hauek azertu ondoren Kontratazio Mahaiak esleipenerako proposamen bat egingo du.

Kontratazio Organoak eskaintza ekonomikoki abantailatsuenaren alde esleituko du kontratua, betiere kontuan hartuta Klausula Ekonomiko-Administratiboen Pleguan proposamenak balioesteko aurreikusitako irizpide objektiboei jarraiki eta Ebaluazio Batzordeak egiten duen proposamena kontuan hartuta.

Kontratazio Organoak kontratua esleitzeko orduan ez badu kontuan hartzen langile teknikoek egindako proposamena, horretarako arrazoiak adierazi beharko ditu.

Lizitazioa eta esleipena honako toki hauetan argitaratuko dira gutxienez:

a) Europar Batasunaren Aldizkari Ofizialean eta 334. artikulua aipatzen duen kontratazio-plataforman edo Garbitaniari dagokion Administrazio Publikoak kudeatzen duen pareko sisteman.

b) Europar Batasunaren Aldizkari Ofizialean eta Estatuko Aldizkari Ofizialean.

Halaber, lizitazioko eta behin-behineko nahiz behin betiko esleipeneko iragarpenak kontratatzailearen profilean argitaratuko dira.

IV. Errekurtsoak

1. Prestaketa eta esleipena

Administrazioarekiko auzi-errekurtsoa aurkeztu aurretik kontratazio-arloko errekurtso berezia aurkeztu ahal izango da, betiere SPKLTBren 41.5 artikulua idatz-zatian aurreikustendenari jarraiki kompetentziaduen organoan:

- a) esleipen-akordioen aurka.
- b) lizitazioa arautzen duten ezaugarriak ezartzen dituzten lizitazio- Pleguen aurka. Esleipen-prozeduran barne hartzen diren izapidetze-egintzen aurka, prozedurarekin jarraitzeko ezintasuna adierazten badute edo legezko eskubide edo interesekiko defentsa-gabezia edo kalte konpenezina eragiten badute

Kontratazio-arloko errekurtso berezia SPKLTBren 44. artikuluan eta hurrengoetan aurreikusitakoaren arabera izapidetuko da.

Errekurtsoaren ebazpenaren aurka administrazioarekiko auzi-errekurtsoa besterik ezin izango da aurkeztu, Administrazioarekiko Auzien Jurisdikzioa arautzen duen uztailaren 13ko 29/1998 Legean xedatutakoari jarraiki.

SPKLTBren II. Eranskinen 17. kategoriatik 27.era bitartean bildutako zerbitzukontratuak, edozein zenbatekoa dutela ere, ez daude erregulazio harmonizatuaren mende; hala ere, kontratu horien zenbatekoa 200.000 euro edo gehiagokoa bada, kontratazio-arloko errekurtso berezia eta administrazioarekiko auzi-errekurtsoa aurkeztu ahal izango da haien aurka, betiere atal honetan aurreikusitako moduan.



2. Eraginak eta amaiera

Kontratu horiek bete eta amaitzeari, baita kontratuen eraginei dagokienez ere, jurisdikzio-ordena zibilean besterik ezin izango da errekurtsoa aurkeztu.

D. KONTRATATZAILEAREN PROFILA

Garbitaniak bere kontratatzaile-profila zabalduko du Internet bidez, bere kontratu-jarduerari buruzko informazioa gardena izan dadin eta jendeak eskuratzeko aukera izan dezan bermatze aldera.

Kontratatzailearen profilean sarbidea izateko modua Pleguetan eta lizitazio-iragarkietan zehaztuko da, besteak beste.

Garbitaniaren kontratatzailearen profilean honako datu eta informazio hauek argitaratuko dira:

- a) Kontratazioko barne-jarraibide hauek.
- b) Kontratuen lizitazio-iragarkiak, kontratu txikiak eta publizitaterik gabe negoziatutakoak salbu.
- c) Kontratuen esleipena, kontratu txikiak eta publizitaterik gabe negoziatutakoak salbu.

Halaber, kontratatzailearen profilean Garbitaniaren kontratu-jarduerari buruzko edozein datu eta informazio bildu ahal izango da, hala nola: 141. Artikuluan bildutako alde zurrerako informazioko iragarkiak, irekitako edo arribideko lizitazioak eta haiei buruzko dokumentazioa, programatutako kontratazioak, esleitutako kontratuak, deuseztatutako prozedurak, Kontratazio Organoarekin harremanetan jartzeko erabil daitezkeen gune eta komunikabideak, eta abar.

Usurbilen, 2013ko azaroaren 19an

Diligentziak: Garbitania Zero Zabor S.M. sozietateko Kontratazioko Barne Arauak, 2013ko azaroaren 19an Administrazio Kontseiluak onarturikoak.





I. ERANSKINA

4. artikulua. Salbuetsitako negozio eta kontratuak

1. Lege honen eremutik kanpo utzi dira honako negozio eta harreman juridiko hauek:
 - a. Funtzionario publikoen zerbitzu-harremana eta lan-leggedian araututako kontratuak.
 - b. Zerbitzu publikoa ematean dautzan harreman juridikoak, betiere zerbitzu publiko horiek erabiltzeko oro har aplikatu beharreko tarifa, tasa edo prezio publikoren bat ordaindu behar badute erabiltzaileek.
 - c. Estatuko Administrazio Orokorrak Gizarte Segurantzaren, Unibertsitate Publikoen, Autonomia Erkidegoan, Toki Erakundeen, erakunde autonomoen eta gainerako entitate publikoen erakunde kudeatzaile eta zerbitzu komunekin egiten dituen lankidetzahitzarmenak, edo erakunde eta entitate horiek beren artean egiten dituztenak, salbu eta, beren izaera kontuan izanik, Lege honen eraginpeko kontratutzat hartzen badira.
 - d. Administrazioak pertsona fisiko eta juridikoekin egiten dituen hitzarmenak, hitzarmen horiek arautzen dituzten berriazko arauak kontuan izanik, baldin eta hitzarmen horien xedea ez badago Lege honetan araututako kontratuetan edo administrazio-arau berezietan bilduta.
 - e. Europar Batasunaren Funtzionamenduari buruzko Itunaren 346. Artikuluaren esparruan barne hartzen diren hitzarmenak -defentsaren sektorean erabakitzen direnak.
 - f. Estatuak beste Estatu batzuekin edo nazioarteko zuzenbide publikoko entitateekin egiten dituen akordioak.
 - g. Merkataritza-, industria- eta finantza-arloko jarduera eta horien pareko jarduera duten eta Administrazio publikoen mende dauden zuzenbide publikoko erakundeen zuzenekom jarduerak jomugan dituzten hornidura-kontratuak, betiere eraginpean hartzen dituzten ondasunak, eraldatuta edo eraldatu gabe, ondare-trafiko juridikora itzultzeko asmotan eskuratu badira, beren helburu bereziei jarraiki, baldin eta erakunde horiek Legeak esleitzen dizkien eskumen espezifikoak baliatuz badihardute.
 - h. Europar Batasunaren Funtzionamenduari buruzko Itunari jarraiki, Erkidegotik kanpoko herrialde batekin edo gehiagorekin egindako nazioarteko akordioaren harira egindako kontratu eta hitzarmen jakin batzuk, hain zuzen ere obra bat elkarrekin egin edo ustiatzeko obrako edo hornidurako kontratu eta hitzarmenak, edo proiektu bat elkarrekin egin edo ustiatzeko egindako zerbitzu-kontratuak.
 - i. Tropen egonaldia dela-eta egindako nazioarteko akordioaren arabera egindako kontratu eta hitzarmenak.
 - j. Nazioarteko erakunderen baten prozedura espezifikoaren arabera esleitutako kontratu eta hitzarmenak.
 - k. Arbitraje- eta adiskidetze-zerbitzuei buruzko kontratuak.
 - l. Balioak edo bestelako finantza-tresnak jaulki, erosi, saldu eta transferitzeari lotutako finantza-zerbitzuekin zerikusia duten kontratuak, bereziki Estatuaren finantzakudeaketarako eragiketarako; baita sektore publikoko ente, erakunde eta entitateek fondoak edo kapitala lortzeko

eragiketak, Espainiako Bankuak emandako zerbitzuak, eta diruzaintza-eragiketak ere.

- m. Sektore publikoko ente, erakunde edo entitate bat ondasunak edo eskubideak ematera edo zerbitzuren bat ematera behartzen duten kontratuak, betiere ondasunak eskuratzen dituenak edo zerbitzuak hartzen dituenak, Lege honen mendean dagoen sektore publikoko entitate bat bada, Lege horrek agindutakoa aintzat hartzeko duen betebeharra bazter utzi gabe.
- n. Negozio juridikoak, honako kasu honetan: negozio horien baitan, 24.6 artikuluan ezarritakoaren arabera baliabide propioetat eta horren zerbitzu teknikoetat hartzen den entitate bati prestazio jakin bat egitea eskatzen zaionean. Dena den, enkargatu zaizkien prestazioak egiteko baliabide propioetat eta zerbitzu teknikoetat hartzen diren entitateek egin behar dituzten kontratuak Lege honen eraginpean egongo dira, dagokion moduan, betiere kontratuak egiten dituen entitatearen izaera eta kontratuak zein motatakoak diren eta zer zenbateko duten kontuan izanik. Nolanahi ere, Aurretiko Titulu honen II. Kapituluko 2. Idatz-zatian ezarritako atalaseak gainditzen dituzten zenbatekoko obra-, zerbitzu- edo hornidura-kontratuen kasuan, zuzenbide pribatuko entitateek, kontratu horiek prestatu eta esleitzeko, 137.1 eta 190. artikuluetan ezarritako arauak bete beharko dituzte.
- o. Jabari publikoko ondasunei buruzko baimen eta emakidak, eta 7. Artikuluan zehaztutakoak ez diren ondare-ondasunak ustiatzeko kontratuak. Horiek guztiak beren berariazko legediaren arabera arautuko dira, Lege honetan bildutako aginduak aplikatu behar zaizkiela adierazten den kasuetan izan ezik.
- p. Ondasun higiezin, balio negoziagarri eta jabetza ukiezinei buruzko salerosketako, dohaintzako, trukaketako eta errentamenduko kontratuak eta parekoak diren gainerako negozio juridikoak, betiere haien xedea ordenagailu-programak ez badira, horiek hornidura- edo zerbitzu-kontratuetatik hartuko baitira, eta, beraz, kontratu pribatuak izango dira beti eta ondare-legediaren baitan arautuko dira. Kontratu horietan ezin izango da Aurretiko Tituluko II. Kapituluko 1. Idatz-zatian araututako kontratu tipikoen berezko prestaziorik bildu, prestazio horien balio zenbatetsia negozioaren guztizko zenbatekoaren 100eko 50 baino handiagoa bada, edo ondare-kontratuaren ohiko prestazioarekin 25. artikuluan aurreikusitako moduko lotura eta osagarritasunharremanik ez badute. Bi kasu horietan, prestazio horiek bereiz kontratatuko dira, Lege honetan ezarritakoari jarraiki.
- q. Estatuko Ikerketa Erakunde Publikoek eta Autonomia Erkidegoetako pareko Erakundeek egindako zerbitzu- eta hornidura-kontratuak, betiere ikerketa, garapen eta berrikuntza teknologikoko proiektuak edo zerbitzu teknikoetako proiektuak gauzatzeko beharrezkoak diren prestazio edo produktuei buruzkoak badira, eta horien emaitzen aurkezpena eta lorpena trafiko juridikoan txerta litezkeen itzulkin zientifiko, teknologiko edo industrialekiko lotura dutenean, baldin eta proiektu horiek lehiaketaprosesuen bidez esleitu bazaie dagokion Erakundeko ikerketa-taldeei.
- r. Kontratazio-organoak osorik ordaintzen dituen ikerketa- eta garapen-kontratuak, betiere kontratazio-organoaren eta enpresa esleipendunen artean partekatzen badira merkatuko aukerak gaindituko dituzten soluzioak eskuratzeko beharrezkoa den ikerketa zientifiko eta teknikoaren arriskuak eta etekinak. Horrelako kontratuak esleitzean,



publizitate, lehia, gardentasun, konfidentzialtasun eta diskriminaziorik ezaren printzipioak errespetatzen direla eta eskaintza ekonomiko abantailatsuena aukeratzen dela ziurtatuko da.

2. Aurreko idatz-zatian adierazitako kontratu, negozio eta harreman juridikoak beren arau berezien arabera arautuko dira; Lege honetan bildutako printzipioak, berriz, sortzen diren zalantza eta hutsuneak konpontzeko aplikatuko dira.



II. ERANSKINA

13.2 artikulua. Mugatze orokorra

2. Aurreko idatz-zatian adierazitakoa gorabehera, honako kontratu hauek ez dira erregulazio harmonizatuaren mendekotzat hartuko, beren balio zenbatetsia edozein izanik ere:

- a) Irrati-difusioko erakundeek irrati emateko programak erosi, garatu, produzitu edo koproduzitzera bideratutako kontratuak, baita irrati-difusioko denborari buruzkoak ere.
- b) Kontratazio Organoak guztiz ordaindutako ikerketa- eta garapen-kontratuak, betiere horien emaitzak Organo horrek soilik bere jardueran erabiltzeko ez badira.
- c) Europar Batasunaren Funtzionamenduari buruzko Itunaren 346. artikuluaaren esparruan barne hartzen diren hitzarmenak -defentsaren sektorean erabakitzen direnak.
- d) Sekretupekotzat edo isilpekotzat hartzen direnak, edo indarrean dagoen legediaren arabera gauzatzeko segurtasun-neurri bereziak behar dituztenak, edota Estatuko segurtasunerako funtsezko interesak babestea eskatzen dutenak.

Azken baldintza hori betetzen dela ziurtatzeko aitorpena kasu bakoitzean berariaz egin behar du kontratazio-organoari dagokion Ministerioko Sailaren titularrak, autonomia-erkidegoen eskumeneko organoak edo toki-erakundeekin kasuan-kasuan kontratua egiteko eskumena esleitu zaion organoak, Estatuko Administrazio Orokorraren, bere organismo autonomoen, erakunde kudeatzaileen, Gizarte Segurantzako zerbitzu komunak eta Estatuko gainerako erakunde publikoen esparruan. Aitorpen hori egiteko eskumena ezingo da eskuordetu, lege batek berariaz baimentzen duen kasuetan izan ezik.

- e) Xede nagusitzat Kontratazio Organoei telekomunikazio-sare publikoak erabilgarri jartzeko edo ustiatzeko aukera ematea edo jendeari telekomunikazioetako zerbitzu bat edo gehiago hornitzea dutenak.



III. ERANSKINA

Entitatearen izena/Nombre de la sociedad		Kontratazio eskaera/Petición de contratación	
Garbitania Zero Zabor S.M.			
Eskatzailea/Solicitante	Arloa/Área	Data/Fecha	
Kontratuaren xedea eta mota/objeto del contrato y tipo de contrato			
Xedea:			
Mota:			
Beharren jatorria eta hedapena/naturaleza y extensión de las necesidades a cubrir			
Kontratuaren justifikazioa eta egokitasuna/justificación e idoneidad del contrato			
Garrantziko ezaugarri tekniko zein administratiboak/especificaciones técnicas y administrativas de interés			
Esleipenerako irizpideak/criterios para la adjudicación			
1			
Prezio estimatua /precio estimado			
O.I. gerentzia		V.B. gerencia	
Izena		Nombre	
data		fecha	